



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

13 Sortilegiorum causae ad forum ecclesiasticum spectant.

urn:nbn:de:hbz:466:1-10316

quæcunt & ideo Sancta Ecclesia à tali pe-
ste mundari debet, *cap. quis sine Salvato-
re, 26. quest. 2. cap. Episcopi, in princ.
eadem quest. 5. & Gril. lib. 2. de sortileg. q. 7.
numer. 4.*

12 † Quapropter à dæmonibus effectuali-
ter deferri possunt de loco ad locum motu
locali verè, & corporaliter, Deo tamen
permittente, & non aliter, & hæc est com-
munis sententia theologorum, de qua post
S. Bonav. *in 3. sent. distinct. 19. quest. 3.*
S. August. *in lib. 20. & 21. de Civit. Dei*
S. Thom. *in sum. 22. quest. 95. art. 5. in tit.
de superst. & in dict. tract. 99. primæ part.
quest. 8. in tit. de mira. & quest. 16. artic. 5.
& 6. in tit. de demon. & alios, quos citat,
testatur. Gril. lib. 2. de sortileg. dict. qu. 7.
numer. 3. Alphons. Castr. *de just. heret.
punit. lib. 1. cap. 16. & Pegn. in Direct. In-
quisit. part. 2. com. 68. vers. sed à maligno;* Et
licet huic communi opinioni videatur re-
pugnare text. *in dict. cap. Episcopi, 26. qu. 5.*
ubi habetur, quod quædam sceleratæ
mulieres retro post satanam conversæ dæ-
monum illusionibus, & phantasmatis,
tam graviter seductæ sunt, ut credant, &
profiteantur se cum Diana Dea paga-
norum, nocturnis horis, vel cum Hero-
diade, vel cum innumera multitudine
mulierum equitare super quasdam bestias, 13
& multarum terrarum spacia intempestæ
noctis silentio pertransire, ejusque iussio-
nibus obedire, velut dominæ, & certis no-
ctibus ad ejus servitium evocari. Et
in §. si quidem ipse satanas habetur, quod
dæmon ubi primùm mentem cujuscua-
que mulieris reperierit, & illam per in-
fidelitatem subjugaverit, illico transfor-
mat se in diversarum species personarum,
& mentem, quam captivatam tenet, in*

somnis deludens, per quæque divia dedu-
cit, & cum solus spiritus hæc patitur, in-
fidelis hæc non in spiritu sive anima, sed
in corpore evenite opinatur. Ac deinde,
quis enim in somnis, & nocturnis visio-
nibus non extra seipsum deducitur, & mul-
ta videt dormiendo, quæ nunquam vigi-
lando viderat? Quis verò tam stultus,
& hæbes sit, qui hæc omnia, quæ in sole
spiritu fiunt, etiam in corpore fieri ar-
bitretur?

Unde hoc tex. freti quamplures docto-
res tenuerunt, quod non deferuntur in cor-
pore, sed duntaxat deluduntur in spiritu,
ut refert Gril. *ead. qu. 7. in princip. & tenet
Franc. Ponzonib. in tract. de lam. num. 45.
& plurib. seq.*

Communem tamen opinionem ef-
se quod deferantur, & contrarium
sentientibus, pluribus rationibus respon-
det, idem Gril. *eadem quest. 7. numer. 28.*
quem post alios per ipsum citatos sequitur
Pegn. *eadem com. 68. vers. tertio eadem.* Et
quod dæmones Deo permittente, possint
hominem deferre verè & corporaliter
de loco ad locum motu locali, pluri-
mis exemplis relatis tam per eundem Gril.
quàm alios graves doctores demonstrare
conantur.

Sortilegiorum † causæ eo modo, quo
causæ hereticorum, tam in procedendo,
quam definiendo spectant ad forum Epi-
scoporum, & Inquisitorum, quando sapi-
unt hæresim: & tunc eadem pœna, qua
ceteri de hæresi suspecti sunt condemnan-
di. Sed, quando non sapiunt hæresim, &
est dubium, in aliqua admista hæresim
sapiant: ut si qui ad orientem se conver-
tant, aliqua verba iausitata, & non intel-
ligibilia proferant, vel similia: tunc vide-
tur,

tur, quod Inquisitores debeant tales ad suos iudices dimittere puniendos, *cap. accusatus, §. sanè*, & ibi gloss. *in verb. manifeste*. Archid. Joann. Andr. & Jo. Monach. *de haret. in 6.*

Pœna autem sortilegorum non hæreticalium est tam de jure civili, quam canonico arbitraria. Abb. *in c. 2. num. 4. de sortileg.* & post Gril. & alios Franc. *in prax. crimin. qu. 20. nu. 84. 89. & 94.*

Sed, quando constat, hæresim sapere, si amplius dubitetur, an hæresim sapiant, si tunc ipsi Episcopi, & inquisitores de hoc cognoscere possunt, & judicare, ac pronunciare se iudices, Abb. *in c. 1. nu. 4. in fin. de sortileg.* Carrer. *in tract. de haret. nu. 24.* gloss. & DD. *in dict. c. accusatus, §. sanè*. per Pagn. allegati *in Direct. Inquisit. com. 76. in fin.*

Et hæc distinctio, quod Inquisitores de sortilegijs non sapientibus hæresim cognoscere non possint, procedit, & habet locum de jure communi, quod fuit correctum per Sixtum V. qui suâ perpetuâ valitura constitutione Apostolica auctoritate statuit, & mandavit, ¶ ut tam contra astrologos, mathematicos, & alios quoscunque judicariæ astrologiæ artem, præterquam circa agriculturam, navigationem, & rem medicam in posterum exercentes aut facientes judicia, & nativitates hominum, quibus de futuris contingentibus successibus, fortunisque casibus aut rationibus, & ex humana voluntate pendentibus aliquid eventurum affirmare asserant, aut protestantur, quàm contra alios utriusque sexus, qui supradictas damnatas, vanas, fallaces, & perniciosas divinandi artes sive scientias exercent, profitentur, docent, aut discunt, quivè hujusmodi divinationes,

sortilegia, superstitiones, veneficia, incantationes, ac præmissa detestanda scelera, & delicta, ut præfertur, faciunt, aut in eis quomodolibet se intromittunt: cujuscunque dignitatis, gradus, & conditionis existant, tam Episcopi, & Prælati superiores, ac alij Ordinarij locorum, quàm Inquisitores hæreticæ pravitatis, ubique gentium deputati, etiam si in plerisque ex his casibus antea non procedebant, cognoscere valeant.

Prohibuitque ¶ omnes, & singulos libros, opera, & tractatus judicariæ astrologiæ, geomantiæ, hydromantiæ, pyromantiæ, onomantiæ, chiromantiæ, necromantiæ, artis magicæ, aut in quibus sortilegia, veneficia, auguria, auspicia, execrabiles incantationes, ac superstitiones continentur, quos Ordinarijs locorum, vel Inquisitoribus voluit consignari, & contra scienter legentes, aut retinentes libros, seu scripta hujusmodi, seu in quibus talia continentur, similiter per eosdem Inquisitores procedi posse decrevit, *ut in dict. constit. sub dat. Roma anno 1585.* ubi latius de sortilegorum, incantationum, & divinationum prohibitionibus videre licet, *in pecul. suo Bullario, par. 2. fol. mibi. 52.*

Dictæ constitutionis ¶ vigore possunt Inquisitores cognoscere de sortilegijs, non tamen privativè quo ad Episcopos; imò causas superstitionum, incantationum, veneficiorum, & blasphemiarum, & contra eos, apud quos reperiuntur libri prohibiti, Episcopi cognoscere, & nisi sapiant manifestè hæresim, absque Inquisitorum interventu, illas possunt decidere, definire, & terminare; per textu. *in dict. cap. accusatus, de haret.*